



UNIVERSITÄTS-
BIBLIOTHEK
PADERBORN

Catalogus Patrum Societatis Jesu

Couplet, Philippe

1686

LXXVI. P. Philippus Couplet

[urn:nbn:de:hbz:466:1-64697](https://nbn-resolving.org/urn:nbn:de:hbz:466:1-64697)

in Prov. *Fo kien* migravit, ubi uno post anno obiit,
& sepultus est extra Metropolim *Fo cheu*.

LXXIV. P. ALBERTUS DE DORVILLE
Belga eodem anno 1657. venit prædicatum fidem
in Prov. *Xan si*: deinde missus viâ terrestri Ro-
mam obiit Agræ in Regno Mogol.

LXXV. P. JOANNES DOMINICUS GABIANI
Pedemontanus eodem anno venit prædicatum
fidem in Prov. *Nam kim* urbes *Yam cheu* & *Chin
kiam*, ubi ædes novas stabilivit anno 1662. Deinde
ab exilio Cantonensi redux regio favore per-
missus est morari in Prov. *Xen si* urbe *Singan*, in
qua 22. Ecclesias variis in oppidis administrat.

LXXVI. P. PHILIPPUS COUPLET Belga
anno 1659. prædicavit fidem in Provinciis *Kiamsi*,
Fo kien, *Hu quam*, *Che kiam* & præcipuè in Pro-
vincia *Nam kim* in urbibus *Sum kiam* & *Xam hay*:
in urbibus verò *Hoain gan*, *Chin kiam*, *Zum mim*
insulâ, *Su cheu*, *Kia tim*, aliisque locis novas &
ampliores ædes & Ecclesias construxit operâ &
facultatibus magnæ benefactricis. Modo ex Eu-
ropâ Sinam repetit. Ab eo edita:

Catechismus per 100. quesita, & responsa.

Calendarium Ecclesiasticum perpetuum.

De quatuor novissimis.

Reliquit ad prælum vitam sancti Franc. Borgie.

*Sanctorum vitas compendiosas per singulos anni dies pro
suffragiis mensuris.*

LXXVII. P. FRANCISCUS DE ROUGEMONT
Belga eodem 1656. anno venit prædicatum fideni
in Prov. *Che kiam*: tum in Prov. *Nan kim* civitatem
Cham xo. In oppido *Tai cam* aliisque locis funda-
vit Ecclesias; administrans universim 14. Tem-
pla, Oratoria vero & missiones 21. Sodalitia Pas-
sionis Domini magno cum fructu ubique promo-
vit, uti & Sodalitia quæ dicuntur Angelorum,
Catechistarum & Litteratorum. Demum *Cam hi*
Imp. anno 15. (1676.) dum iter aggreditur in *Zum*
mim insulam, obiit in oppido *Tai cam*. Translato
à Christianis cum pompâ feretro extra muros ci-
vitatatis *Cham xo*, in monte *Yu xan* dicto sepultus
est. Ab eo edita.

Compendium legis Christianæ per quesita & responsa.

Dialogus de Baptismo & Communione.

Contra sectas per modum dilemmatum.

Cantiones rustica ad pietatem & bonos mores concinnata.

LXXVIII. P. PROSPER INTORCETTA
Siculus eodem anno 1659. venit in Prov. *Kiam si*
urbem *Kien chiam* ubi novam ædificavit Ecclesiam,
præter alias in variis oppidis: dein redux ab Eu-
ropa venit in Metropolim *Ham cheu* Prov. *Che*
kiam ubi tyrocinio præest Societatis nostræ. Extra
muros